



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

14 Aprilis. 18 Kal. Maji.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

XIV APRILIS. 357

Sancti Maxime, Quintiliane,
& Dada, Martyres.

S. Urse Episc.

S. Marti Abba, austerè in corpus,
ægrorum asylum.

OMNES SANCTI, &c.

pag. 320.

S. MARIA, *cujus imago, & Jesu
tui, & Josephi Sponsi tui, in corde ho-
dierna Margaritæ de Castro reperta
est, diademate coronata. Expelle à
corde meo imagines alienas: imprime
illi JESUM, te, & Josephum!*

*Sancta MARIA, qua Balduino tuo
dixisti; te ei coadjutorem, & coopera-
tricem in omnibus assistere. qua Idam
hodiernam, cum S. Joanne Evangeli-
stâ, ad sacram mensam deduxisti, &
reduxisti, Angelo præeunte cum incen-
so atque lucernâ: qua item in ejusdem
Idæ, sacrificium Missæ audientis, sinu
JESUM parvulum collocasti. Deduc
me, ut ad sancta sanctè accedam!*

14 Aprilis. 18 Kal. Maji.

SANCTA Lyduina Virgo tenera,
gravissimis triginta octo anno-
rum doloribus, ad sanctam mor-
tem, ad sanctam æternitatem, præ-
parata; ab Angelo ad paradysum, ad
mira alia videnda, ducta: quæ per
annos

annos plures nullo, nisi Corporis Christi, cibo refecta, nec potu, nec somno es usa: quam visitantium passus Angeli numerabant: cuius frontem, feriâ quartâ Cinerum, Angelus cineribus signavit: quæ quicquid in pauperes erogâras, in cælo, in mensâ vidisti; Sanctis gratias pro iis tibi agentibus: cui Angelus virgam fragrantem è cælo attulit; sed illa odorem illum cælestem perdidit, ut primum à quodam contacta est: quæ in cælum deducta, ibi à Deiparâ audisti; *Pro his, quæ nunc pateris, mirabilem & magnam gloriam consequeris; & simul ferto ab illâ ornata es: quæ cælestibus deliciis aliquamdiu caruisti, in pœnam doloris, de neptis tuæ, alias de fratris tui, morte concepti: quæ circa lectulos dormientium Religiosorum, stantes Angelos aliquando vidisti, spiritu illuc abrepta: cuius mortuali agoni præsens cum MARIA JESUS adfuit, & ambiente morientis lectulum Angelorum, & Divorum Cælitum coronâ, post sanctissima colloquia, migrantem è lacero corpore animam tuam sanctam, Custos tuus Angelus, & MARIA, in suos amplexus, & oscula accepere, æternitate*

tate donandam. Illi, quæso, felices dolores, felices erga JESUM, & MARIAM amores tui, ac preces, & teneræ lacrymæ, pro me, inter dolores mortis, de salute incerto, ac valdè trepido, intercedant; ut JESU, MARIÆ, Angelorum, & Divorum omnium ope, felix abeam ad illam, quæ sic amantibus præparata est æternitatem. Amen.

Sancti Tiburti, & Valeriane, S. Cæcilie adhortatione, ostenso vobis Angelo, conversi, ideòque fustibus cæsi, gladio percussi.

S. Maxime, Præfecti cubicularie, horum exemplo, & Angelicâ visione firmate; plumbatis verberate usque ad mortem.

S. Prœcule Ep. M.

S. Domnina V. Martyr, cum sociis Virginibus coronata.

S. Ardalion, repenti è mimo illustre M.

S. Lamberte Episc.

S. Fronto, cui in eremam, cum septuaginta sociis, secedenti, annonam ab avaro divite Angelus curavit.

S. Abundî.

S. Thomai M. pro pudicitia, ab impuro, & mox obcæcato sene fœtero, interfecta; ad cujus sepulchrum

chrum ardens lampas, oleo suo impuros cujusdam estus in perpetuum restinxit; quæ aliis quoque data est in præsentissimum, contra impura omnia, adjumentum.

OMNES SANCTI, &c.
pag. 320.

S. MARIA, ad cuius imaginem herodierna S. Lyduina, ad te salutandam, ab Angelo ducebatur. Ora, ut lubens obediam Angelo meo in omnibus, quæ mihi pro gloriâ tuâ suggesserit: sequatur illum ducem ad te!

15 Aprilis. 17 Kal. Maji.

SANCTE Eutychi Ep. M. qui Remo dempto Episcopo, penes tumbam tuam in lecto vigili, visus, et inclamasti: *Venit finis universæ carnis!* die sequenti visæ in cælo igne acies, hostium indices, qui postea immani clade omnia miscuerunt. Certè mihi, quando in ultimo lecto propè à tumbâ abero, finis veniet universæ carnis; sed ut bene veniat, etiam te invoco, unâ cum omnibus, quibus felici morte feliciter venit finis universæ carnis. Hunc finem ut in omnibus prudenter respiciam, doce me, & effice, ut sit felix ille meus finis: ita enim felix